

Band XI., Nr. 5502, Seite 417-418

Kloster Kirchberg tauscht Güter [in Horgenzimmern]¹ mit Johann von Rüti.

Ohne Ortsangabe, 1300. Juli 19.

Wir Schwester Haile von Althain priolin des gotzhuses uff dem berge ze Kirchperg und ouch dū samenunge gemainlichen des vor genanten gotzhuses tūn kunt allen den, die disen brief sehent alder hörent lesen baidū nun alder hie nauch, das wir recht und redlich und nauch unser fründe raut hān ainen wechsel getān mit Johannes von Rūti hern Wolframes sune von Rūti, also das wir des selben wechsels haben gemacht zwen taile, als hie nauch geschriben stāt. Der erste tail des vor genanten wechsels. den wir Johannes von Rūti gegeben hān, das ist Lushaimes wise Hosenmannes hofstatt und ain klaines hofstetlin der Zimererin. Der ander tail den wir im gegeben hān und ouch gewechselt das ist ain wislin ze Grindeln ain bletzli zu der widun und ain wise des von Lushain ze Underachun und des Wachendorfers ze Underachun zwū mada. Das selb gūt, das da vor genemet ist, das haut das gotzhus herbrächt und ouch dū samenunge für recht aigen und ane alle anspruch und hān ime das selbe ouch gegeben für aigen. Dar zū hān wir dem vor genanten Johannes von Rūti gelobt ze vertigende an allen den stetten da es ansprechig wirt nauch recht und nauch des landes gewonhait, won allaine von dem gotzhuse von Owe der Richun, wa es von dem ansprächig wirt, da sol uns Johannes nūtes umb rechtvertigent sin. Ist ouch das, das Johannes von Rūti dis gūt mit rechte engaut, das wir im gegeben und gewechselt hān, weder tail das ist, das sol er wider hān wider dem taile so es getailt und gewechselt ist, ob es kuntlich ist und ān aller schlacht geverde. By dirre wechslung und tailung was unser herre grave Albrecht von Hohemberg, herre Volmar der Lamp von Wytingen, her Reinhart von Wytingen ritter, Ūlrich von Wehingen, Hainrich sin brüder, Johannes von Wurmlingen, Egen von Būrra der alt schulthaiss von Haygerloch, Jacob der schulthaisz von Sulze, brüder Hainrich der schaffner, brüder Dietrich der Lenger, brüder Johannes, brüder Hainrich der Riter., brüder Hainrich der Nater, Hainrich Rütiman und ander erber lüte gnūg. Das wir dis wechslung stete haben und ouch wār von uns belibe und ouch mit unsers herren grave Albrechtes willen und nauch sinem raute geschehen si, dar umb henken wir an disen brief unsers vor genanten herren grave Albrechtes insigel und ouch der sammunge insigel ze ainem urkunde.

 Der wart gegeben do man zalt von gottes geburt drūzehen hundert jār, an dem zinstag vor sant Jacobs tag des zwölff[bo]ten in dem ougsten, uff dem berg ze Kirchberg.

¹Horgenzimmern = Heiligenzimmern.

II

—

Nach Kopialbuch des Kl. Kirchberg aus dem 15. Jahrh., Bd. 2.

Überlieferung und Publikationen

Überlieferung und Textkritik:

War im 1944 durch Fliegerangriff verbrannten Kopialbuch HStA Stuttgart H 14 Nr. 160 (Kopialbuch des Kl. Kirchberg aus dem 15. Jahrh., Bd. 2.), Bl. 136b.

Editionen:

Schmid: Monumenta Hohenbergica, 147 (unvollständig).

Weitere Angaben

Sprache:

Deutsch

Ausstellungsort:

Ohne Ortsangabe

Aussteller:

Haile; von Altheim, Priorin von Kirchberg Kirchberg; Sammlung

Ortsindex:

Burg Wehingen Wüstung (23434)
 Burg Wehingen, Wehingen, TUT, W
 Haigerloch Wohnplatz (16384)
 Haigerloch, BL
 Heiligenzimmern Wohnplatz (16500)
 Heiligenzimmern, Rosenfeld, BL
 Hohenberg Wüstung (26307)
 Hohenberg, Schömburg, BL, W
 Kirchberg Wohnplatz (12729)
 Kirchberg, Sulz am Neckar, RW
 Rüti, Kt. Zürich, Schweiz
 Sulz am Neckar Wohnplatz (12745)
 Sulz am Neckar, RW
 Weitingen Wohnplatz (7408)
 Weitingen, Eutingen im Gäu, FDS
 Wurmlingen Wohnplatz (16193)
 Wurmlingen, Rottenburg am Neckar, Tü